



Broj: 09-20/1-11-2-2532
Dana: 19.12.2022. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2022. godini, zamjenik direktora Federalne uprave policije d o n o s i :

ODLUKU

o izboru najpovoljnijeg ponuđača u postupku javne nabavke goriva, maziva, lož ulja, i mlaznog goriva za helikopter za 2023. godinu

1. Dodjeljuje se Ugovor ponuđaču „HIFA-Petrol“ d.o.o. Sarajevo, za javnu nabavku goriva, maziva, lož ulja, i mlaznog goriva za helikopter za 2023.godinu prema Ponudi broj: JN-4721/22 od 29.11.2022.godine u iznosu od 313.088,90 KM bez PDV.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20/1-11-2-2532 od 25.10.2022. godine.
4. Ova odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 29/14).
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije je provela otvoreni postupak javne nabavke goriva, maziva, lož ulja, i mlaznog goriva za helikopter za 2023.godinu po Obavještenju o javnoj nabavci broj: 1412-1-1-244-3-134/22 objavljeno u "Službenom glasniku BiH" broj: 74/22, dana 04.11.2022. godine. Komisija za provođenje otvorenih postupaka nabavki za 2022. godinu, imenovana Rješenjem zamjenika direktora Federalne uprave policije broj: 09-19/1-30-2-64 od 19.01.2022. godine je utvrdila da je u predviđenom roku za dostavljanje ponuda pristigla jedna ponuda i to Ponuda ponuđača "HIFA-Petrol" d.o.o. Sarajevo broj: JN-4721/22 od 29.11.2022.godine, što je konstatovala u Zapisniku sa otvaranja ponuda od 09.12.2022. godine u koji su uneseni svi elementi predviđeni članom 63. stav 4. i 5. Zakona o javnim nabavkama BiH.

Komisija je utvrdila da je prispjela ponuda navedenog ponuđača sa ponuđenom konačnom cijenom od 313.088,90 KM bez PDV, formalno pravno ispravna, ali da ista prevazilazi procijenjenu vrijednost nabavke u skladu sa Odlukom o nabavci goriva, maziva, lož ulja, i mlaznog goriva za helikopter za 2023.godinu broj:09-20/1-11-2-2532 od 18.10.2022.godine, kojom je određeno da procijenjena vrijednost nabavke iznosi 298.000,00 KM bez PDV-a, te se Komisija dana 13.12.2022.godine u skladu sa članom 69. ZJN, pismenim putem obratila Sektoru za materijalno-finansijske poslove Federalne uprave policije sa upitom da li ugovorni organ može osigurati dodatna sredstva za realizaciju konkretne javne nabavke prema zaprimljenoj ponudi.

Sektor za materijalno-finansijske poslove Federalne uprave policije aktom broj: 20- 20/1-11-2-2532 od 15.12.2022.godine dostavio izjašnjenje u kojem je konstatovano da cijena dostavljene ponude nije znatno veća od predviđenih sredstava za konkretnu nabavku i da će Federalna uprava policije biti u mogućnosti obezbijediti sredstva u Budžetu za realizaciju navedenog postupka.

Komisija je konstatovala da ponuda ponuđača „HIFA-Petrol“ d.o.o. Sarajevo, zadovoljava uslove iz tenderske dokumentacije i da je za ugovorni organ prihvatljiva, te je shodno članu 70., Zakona o javnim nabavkama Bosne i Hercegovine, predložila donošenje Odluke o izboru ponuđača za navedeno pravno lice, što je konstatovano u Zapisniku o pregledu i ocjeni ponuda od 13. i 19. 12. 2022.godine.

Razmatrajući prijedlog Komisije, zamjenik direktora donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.


**ZAMJENIK DIREKTORA
GENERALNI INSPEKTOR POLICIJE**
Ensad Korman

Dostaviti:

- Sektor za mat. fin. poslove
- ponuđaču
- u spis